

Deach'i sun demez, prëi da me mené les comunicaziuns por la plata dla cöra dai 03 ai 10 d'aurí, cina en dedolönesc 29 de merz dales 18.00 348 27 44 517 - anton.gasser@rolmail.net)

La dot. **Mahlknecht** é demez ai 21 y 22 de merz. Sostitut dot. Agreiter 333 13 80 852

Le dotur **Marcocci** é demez ai 30 de merz, sostitut dot. Mahlknecht 349 06 67 034 che sarà te so ambulatorio a La Val dales 8.30 ales 10.30.

En dedemesaledema, ai 23 de merz, dales 16.00 - 17.00 él tl Salf di Jogn a Al Plan sot la biblioteca Giorgio Costabiei che darà **consulënza sön poscibilités de laur d'isté por jogn y jones** dla Val Badia. Inviá é jogn y/o geniturs. Por deplü informaziuns 0474/523070 Sorvisc ai Jogn Val Badia.

PLOANIES SAN MARTIN Y LUNGIARÜ

En doman, lönesc ai 21 de merz, é düc chi da San Martin y da Lungiarü dër bel invia dales 19.30 tl salf di stödafüch a San Martin a na incuntada cun **siur ploan Iaco Ploner che nes condejará ite tla liturgia dla jöbia, dl vëndres y dla sabeda dl'Edema Santa**. En chisc dis vëgnel zebré le contignü prinzipal de nosta fede. Porchël él dërt ch'i tolunse pert y ch'i savunse ince ci ch'i festejun.

Le Sorvisc ai Jogn invieia en dedemesaledema, ai 23 de merz, dales 19.30 a La Ila tl Zënter dla Jonëza tla Ciasa dla Cultura al referat „Refugees Welcome by Operation Daywork“. **Al gnará traté chestius desvalies che reverda i profugs.**

En Pasca do la gran mëssa vëgnel venü a San Martin y a Lungiarü dan dlijia dala Uniu Catolica dles Ères **röses por daidé i amará de crebesc.**

Incö domënia, ai 20 de merz, dales 16.00, sëise invia a Bornech tla Dlijia di Capuzineri a n **Cianté de Carsëma**, organisé dal Südtiroler Volksmusikkreis.

Te trames les ploanies vëgnel en Pasca metü fora n cëst por l'**offerta ai sorvidus**, che ves dij bele damperfora bel dilan.

La **Ciasa dla Solidarité Luis Lintner** a Milland/Porsenü ti pîta n gran aiüt a jënt da foradecá, sciöche Karl Pizzinini á splighé te so referat a Lungiarü. Magari podunse ince nos daidé (ince por banca: Iban: IT 22 U 08307 58221 000300229458).

SAN MARTIN

Batadü di Seniors cun picia marëna en lönesc de Pasca ai 28de merz dales 14.00 sö n'Antermëia; cost: 10 euro por porsona. Info y prenoté cina en vëndres ai 25 de merz por San Martin pro Gotti 328 64 72 341 y por Antermëia pro Loise 329 13 98 721

Tla **Spona a Pidrô** vëgnel inaudé incö domënia, ai 20 d'aurí, dales 15.00, na picia botëga cun esposiziun di laürs. Dedô jüc por i mëndri y n pice renfrësch por sté adöm.

La Musiga da San Martin invieia i scolars dl'elementara da San Martin y Lungiarü cun sü geniturs, che oress mëte man da soné n stromént, a na picia sëra d'informaziun en dedemesaledema ai 23 de merz, dales 19.00, tl local dles proes a San Martin. Al gnaré presenté i strumenc y dé informaziuns desvalies. Por deplü informaziuns cherdede sö le verdajogn Tobias 345 60 21 982

Curs da cují cun Jersey por quant da mituns ai 5 d'aurí, dales 13.00 ales 17.00, tl salf di stödafüch a San Martin cun Claudia da Türesc. Prenoté pro Loise 0474 590 026 Le curs é limité a 8 porsones. Organisé da Uniu Patrones y Consëi Formaziun.



www.unitepastorala.org

Plata dles Ploanies San Martin y Lungiarü



siur Iaco Ploner 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

20.03. - 27.03.16 nr. 17

termo da publiché: jöbia 20.00

radio: 90,40 / 93,70

DOMËNIA DAL ORÍ C - EDEMA SANTA

Vangele do Lüca 19,28-40 – Pasciun Lüca 22,14-23,56

Tratan ch'al raitâ inant, destenô i discepui sü guané ia por strada. Canch'al é rové tl post olache le tru va dala Munt dl Orí jö pert, à düc i discepui metü man dala ligrëza da laldè dadalt Idî por dötes les opres miracoloses ch'ai â odü.


Ai scraia: Benedi sides le re che vëgn tl inom dl Signur.

Gejú adora le müsc, y le müsc é arjigné y le porta.

Gejú nes adora ince nos.

„Lásceme ester to müsc, Crist“ periâ Dom Helder Camara(vësko brasilian)

Ch'i sunse arjigné da porté Gejú dala jënt, te süa ligrëza pro le mangé y le bëre; te süa tristëza tla meseria, maratia y surité. Ch'i portunse i pëisc de chi che n'á na goba. Sc'i sun de te müsc podunse a pora nia avëi la buna löna.



Olache jënt ne s'arata nia massa preziusc da sorví, dailó él lominus. Mo chi che se tira sot fora, é da na pert tl scür. L'amur che ne scona degun sorvisc é la löm dl monn. Le past d'ultima cëna se tira inant cina incö, y al é ciamó tröc posc lëdi, por me, por té, por düc chi che tol sö l'invit.



La mort de Gejú söla crusc é le contignü de nosta fede, deach'ara nes dij tan sot che l'amur de Dî é jü por nos. Ara nes dij ch'al é söi monn n amur che é plü sterch co la mort, plü sterch co nostes deblëzes y nüsc piciá. L'amur á plü forza co le mal che nes manacia.



La noela s'á slarié fora sciöche le fuch tla lëscia. Gejú che é mort y sopolí é indô vi. Al s'á formé comunités tl inom de Gejú. Comunités, olache jënt s'á mëtü deboriada sön tru, lascian ite te süa vita la noela de Pasca. Comunités che se lascia dötäurela möie da chësta noela y che la dá inant.

	SAN MARTIN		LUNGIARÜ
20.03.16 DOMËNIA DAL ORÍ C	10.00 Benedisciun dl orí dan calonia y ingres Pasciun rapresentada dai Confermá Eucaristia <i>dal ingres é düc invιά da cianté le refrain</i> <i>„Lalda Ierusalem“</i>	20.03.16 Domënia	7.55 Staziuns 8.15 Benedisciun dl orí dan scora y ingres Pasciun do S. Lüca y Eucaristia <i>dal ingres é düc invιά da cianté le refrain</i> <i>„Lalda Ierusalem“</i>
21.03.16 Lönesc <i>Cristian, Benedët</i>	19.30 Introduziun al’Edema Santa tl salf di stödafüch cun siur ploan Iaco Ploner <i>Düc é invιά!</i>	21.03.16 Lönesc	17.00 Les Staziuns 19.30 Introduziun al’Edema Santa a San Martin cun siur ploan Iaco Ploner – <i>Düc é invιά</i>
22.03.16 Dedolönesc <i>Lea, Clemens</i>	19.00 Confesciuns 19.30 Mëssa + Albert Trebo (dl ann) + Ida Dejaco + Notburga Penazzi	22.03.16 Mertesc	7.30 Zelebrazion dla Parora de Dî
23.03.16 Dedemesaledema <i>Rebeca, Turibio Mongrovejo</i>	14.00 inant: Comuniun ai amará 19.00 Les Staziuns	23.03.16 Mercui	7.50 Mëssa di scholars + + Emma y Serafin Clara + + Maria y Paul Castlunger + siur Heinrich Videsott de rengraziamënt do mëssa Comuniun ai amará
24.03.16 Jöbia Santa <i>Elia, Catarina</i> EUCARISTIA	19.15 Mëssa “in coena Domini” cun lavanda di pîsc Ora Santa	24.03.16 Jöbia	21.00 Mëssa “in coena Domini” cun lavanda di pîsc Ora Santa dl ann + Frieda Sorá + frater Lino Mischi + + Somví
25.03.16 Vëndres Sanc PASCIUN Y MORT	14.30 Pasciun y Mort de nosc Signur Gejú Crist <i>Oferta “Misereor”</i>	25.03.16 Vëndres	16.30 Pasciun y Mort de nosc Signur Gejú Crist <i>Oferta “Misereor”</i>
26.03.16 Sabeda Santa <i>Larissa, Tecla</i> NÖT DE PASCA	15.30 Mëssa tla Ciasa de Palsa 8.00 Ora d’adoraziun por düc 9.00 Ora por i scholars 21.00 Festa dla Nöt de Pasca Liturgia dla löm, impormetüdes dl bato Mëssa de Ressorenziun + Artur Conrater <i>Se’i ëis les ciandëres dl ann passé tolesseles do</i> <i>al nen vëgn ince partí fora de nöies</i>	26.03.16 Sabeda	8.00 Ora d’adoraziun por düc 9.00 Ora por i scholars 19.00 Festa dla Nöt de Pasca Liturgia dla löm, impormetüdes dl bato Mëssa de Ressorenziun families de Angel Sorá + + geniturs de Renate y Pire Clara + Maria Grëif <i>Se tò do les ciandëres por la zelebrazion dla löm</i>
ORA DA D’ISTÉ 27.03.16 DOMËNIA DE PASCA de nosc Signur Gejú Crist	10.00 Mëssa solëna de Pasca Benedisciun dl signé 18.00 Öspi da Pasca	27.03.16 Domënia	8.15 Mëssa solëna de Pasca Benedisciun dl signé 14.00 Öspi da Pasca